



# КАФИСТ

Пресвятой  
Богородице  
в честь иконы Ее  
«Нечаянная Радость»



**Тропарь и кондак  
Пресвятой Богородице  
в честь иконы Её «Нечаянная Радость».**

**Тропарь, глас 4:**

Днесь вѣрнии людіе/ духовно торжествуем,/ прославляюще Заступницу усердную рода христианскаго/ и притекающе к пречистому Ея образу, взываем сїце:/ о, Премилостивая Владычице Богородице,/ подаждь нам нечаянную радость,/ обремененным грехи и скорбьми многими,/ и избави нас от всякаго зла,// молящи Сына Твоего, Христа Бога нашего, спасти души наша.

**Кондак, глас 6:**

Не имамы иныя помощи,/ не имамы иныя надежды,/ разве Тебе, Владычице./ Ты нам помози,/ на Тебе надеемся / и Тобою хвалимся,// Твой бо есмь раби, да не постыдимся.





# Акафист

## Пресвятой Богородице в честь иконы Её «Нечаянная Радость».

### Кондак 1.

Избранной от всех родов Божией Матери и Царице, явившейся иногда к человеку беззаконну, во еже отвратити его от пути нечестия, благодарственное пение приносим Ти, Богородительнице; Ты же, яко имущая милосердие неизреченное, от всяких нас бед и грехов свободи, да зовем Ти:

**Радуйся, нечаянную радость верным дарующая.**

### Икос 1.

Ангели и праведных души удивившася, егда предстала еси пред Сыном Твоим и Богом и многим молением ходатайствовала еси о человеце, присно во гресех пребывающем; мы же, очима веры толикое Твое благоутробие зряще, со умилением взываем Ти сице:

Радуйся, молитвы всех христиан приемлющая;  
радуйся, и самых отчаянных грешников моления не отвергающая.





Рáдуйся, к СЫну Твоему о них предстáтельству-  
ющая; рáдуйся, нечáянную рáдость спасéния им  
подающая.

Рáдуйся, предстáтельством Твоим весь мир спа-  
сающая; рáдуйся, вся нáша печáли утoляющая.  
Рáдуйся, Мáти всех Бóга, озлóбленных дúши  
утешáющая; рáдуйся, житиé нáше дóбре устро-  
яющая.

Рáдуйся, избавлéние от грехóв всем человеком  
принéсшая; рáдуйся, Рáдость всему мíру ро-  
дívшая.

**Рáдуйся, нечáянную рáдость вёрным дáрующая.**

## Кондак 2.

Видящи Пресвятáя человека, áще и беззакóнна,  
но на всяк день с вéрою и уповáнием пред честнóю  
Ея икóною дóлу повергáющагося и Архáнгель-  
ское привётствие Ей приносящаго, внят и таковаго  
грéшника славослóвию, да вси, зряще Ея мáтернее  
милосёрдие, на небесí и на землí вопиёт Бóгу:  
**Аллилу́ия.**

## Икос 2.

Рáзум человеческий воистину превосхóдит  
любóвь Твоя к роду христиáнскому, яко и тогда  
не престáла еси от ходáтайства Твоего о чело-





вѣце беззаконном, егда Сын Твой показá Тебѣ  
язвы гвоздѣнные, грехѣи человѣческими Ему  
содѣланныя. Зряще Тя, толико неотступную  
Предстательницу за нас, грѣшных, со слезами  
вопиѣм Ти:

Рáдуйся, Заступнице усердная рóда христианскаго, от Бóга нам дарованная; рáдуйся, Путеводительнице наша, к Небѣсному Отѣчеству нас возводящая.

Рáдуйся, вѣрных ограждение и прибѣжище; рáдуйся, пóмоще всех, призывающих имя Твое святое.

Рáдуйся, всѣми презрѣнных и отвѣрженных от рóва погѣбели исхищающая; рáдуйся, тех на путь правый обращающая.

Рáдуйся, непрестанное уныние и мрак душевный отгоняющая; рáдуйся, иждившим от недуга ум нóвый и лúчий смысл подающая.

Рáдуйся, оставленных врачами на Своѣ всемо́щныя рúце приѣмлющая; рáдуйся, дóбрѣйшее врачевство им являющая.

**Рáдуйся, нечаянную рáдость вѣрным дарующая.**

### Кондак 3.

Сила благодати преизобиловала тамо, идеже умножися грех; да радуются на небесѣи вси Ангелы.





ли о еди́нем грѣшнице пока́явшемся, пою́ще пред Престо́лом Бóжиим: Аллилу́ия.

### Икос 3.

Иму́щи к рóду христиа́нскому ма́тернее мило-сѣрдие, всем с ве́рою и упова́нием прибега́ющим к Тебе́ пода́еши ру́ку по́моци, Влады́чице, да вси еди́ным сѣрдцем и еди́ными усты́ славослóвие прино́сят Ти сицевóе:

Ра́дуйся, я́ко Тобо́ю к нам нисхо́дит Бóжие благово́ление; ра́дуйся, я́ко Тобо́ю и мы има́мы вѣщшее к Бóгу дерзнове́ние.

Ра́дуйся, я́ко во всех беда́х и обстоя́ниих на́ших прино́сиши Сы́ну Твоему́ усѣрдныя о нас мо́литвы; ра́дуйся, я́ко и на́ши мо́литвы прия́тными Бóгу соде́ловаеши.

Ра́дуйся, я́ко невидимых враго́в от нас отгоня́еши; ра́дуйся, я́ко от видимых враго́в нас избавля́еши.

Ра́дуйся, я́ко сердца́ злыхъ челове́к умягча́еши; ра́дуйся, я́ко от клеветы́, досаждѣ́ния и укорѣ́ния нас изыма́еши.

Ра́дуйся, я́ко Тобо́ю вся благая́ желáния на́ша исполня́ются; ра́дуйся, я́ко мно́го мо́жет мо́литва Твоя́ пред Сы́ном Твои́м и Бóгом.

**Ра́дуйся, неча́янную ра́дость ве́рным да́рующая.**





## Кондак 4.

Бўрю вну́трь имѣя грехо́вных помышлѣний, человекъ беззаконен моля́шеся предъ честнóю ико́ною Тво́ею и, видевъ крóвь от ѣзвъ Предвѣчнаго Сы́на Твоегó пото́ками, якоже на Крестѣ, теку́щую, паде́ от стра́ха и с рыда́нием та́ко вопи́аше Ти: “Поми́луй мя, о Ма́ти милосѣрдия, да не преодолѣетъ злѣба моя́ неизречѣнныя блага́ости и милосѣрдия Твоегó, Ты бо еси́ всемъ грѣшникомъ еди́на Наде́жда и Прибе́жище; преклонис́я у́бо на ми́лость, Благáя Ма́ти, и умоли́ о мне Сы́на Твоегó и Творца́ моего́, да непреста́нно зову́ Емú: Аллилу́ия”.

## Икос 4.

Слы́шавше небожи́тели о чуде́сном моли́твами Тво́ими спасѣнии ихъ земна́го гíбнущаго брата́, просла́виша Тя, благосѣрдую Цари́цу небесе́ и земли́; и мы, грѣшнии, свѣдавше таково́е подобна́го намъ грѣшника заступлѣние, а́ще и недоумевáетъ язýк наш восхвалíti Тя по досто́янию, от глубины́ умилѣннаго сѣрдца на́шего воспевáем Ти си́це:

Ра́дуйся, Спорúчнице спасѣния грѣшныхъ; ра́дуйся, Взыскáние погíбшихъ.

Ра́дуйся, Нечáянная грѣшныхъ Ра́досте; ра́дуйся, па́дшихъ воста́ние.

Ра́дуйся, Предста́тельнице к Бо́гу, мир от бедъ





спасающая; радуйся, яко гласа молитв Твоих бѣси трепещут.

Радуйся, яко Ангели сему радуются; радуйся, яко и нас, земнородных, сила молитв Твоих веселия исполняет.

Радуйся, яко теми от тины грехов нас изымаеши; радуйся, яко пламень страстей наших угашаеши.

**Радуйся, нечаянную радость верным дарующая.**

### Кондак 5.

Боготечную звезду – чудотворную икону Матере Твоея показал еси нам, Господи, ибо, взирающе на образ Ея телесными очима, умом и сердцем к Первообразней возвышаемся и Ею к Тебе востекаем, поюще: **Аллилуия.**

### Икос 5.

Видевше Ангели Хранители христиан, яко Божия Матерь споспешествует им в наставлении тех, заступлении и спасении, потщася сиче возопити честнейшей Херувим и славнейшей без сравнения Серафим:

Радуйся, с Сыном Твоим и Богом вечно царствующая; радуйся, Ему всегда о роде христианством моления приносящая.







Ра́дуйся, в христи́анстей ве́ре и благоче́стии  
Наста́внице; ра́дуйся, ересей и тлетво́рных  
раско́лов Искорени́тельнице.

Ра́дуйся, от растлева́ющих ду́шу и те́ло со-  
бла́знов сохра́няющая; ра́дуйся, от опа́сных  
обсто́яний и внеза́пных сме́рти, без пока́яния  
и Свята́го Причаще́ния, изба́вляющая.

Ра́дуйся, упова́ющим на Тя живота́ непосты́д-  
ный ко́нec да́рующая; ра́дуйся, и по сме́рти за  
отше́дшую на суд Господень ду́шу пред Сы́ном  
Твои́м неотсту́пно ходата́йствующая.

Ра́дуйся, Твои́м ма́терним предста́тельством от  
вече́наго муче́ния сию́ изба́вляющая.

**Ра́дуйся, неча́янную ра́дость ве́рным да́рующая.**

### **Кондак 6.**

Пропове́дник чу́днаго Твоего́ милосе́рдия, даро-  
ва́ннаго не́кому человеку́ беззако́нну, яви́ся свя-  
ты́й Дими́трий Росто́вский, иже, спису́я вели́кая и  
сла́вная и изря́дная дела́ Бо́жия, в Тебе́ явле́нная,  
предаде́ пи́сьмени и сие́ де́ло ми́лости Твое́я в нау-  
че́ние и утеше́ние всем ве́рным, да и ти́и, во гресехъ,  
беда́х, ско́рбех и озлобле́ниях су́ще, мно́гажды на  
всяк день с ве́рою в моли́тве пред о́бразом Твои́м  
ко́лена преклоня́ют и, тех избывше, вопи́ют Бо́гу:  
**Аллилу́ия.**





## Икос 6.

Возсия нам, яко пресвѣтлая заря, чудотворная икона Твоя, Богомати, прогоняя тьму бед и скорбей от всех, с любовью вопиющих Ти сице:

Радуйся, Целительнице наша в болезнях телесных; радуйся, Благая Утешительнице в печалех наших душевных.

Радуйся, скорбь нашу в радость претворяющая; радуйся, ненадеющихся несумненною надеждою возвеселяющая.

Радуйся, алчущих Питательнице; радуйся, нагих одеяние.

Радуйся, вдов Утешительнице; радуйся, безматерних сирот незримая Воспитательнице.

Радуйся, неправедно гонимых и обидимых Заступнице; радуйся, гонящих и обидящих правосудная отмстительнице.

**Радуйся, нечаянную радость верным дарующая.**

## Кондак 7.

Хотя Законодатель правосудный Господь Сам быти закона Исполнитель и явити милосердия Своего бездну, преклонися на усердное моление Твое, Преблагословенная Мати Деве, о человеце беззаконне, глаголя: «Закон повелевает, да сын чтит мать. Аз Сын Твой, Ты же Мати Моя: Аз





Тя дол́жен чт́ити, послу́шая Твоего́ молéния; б́уди  
у́бо, я́коже хóщеши: ны́не проща́ются ему́ греси́  
Тебе́ ра́ди». Мы же, ви́дяще тако́вую си́лу моли́твы  
Хода́таицы на́шей о прощéнии согрешéний на́ших,  
просла́вим милосéрдие и неизрече́нное благо-  
утро́бие Ея́, зову́ще: **Аллилу́я.**

### **Икос 7.**

Но́вое дивное и сла́вное зна́мение всем ве́рным  
яв́ися, я́ко не то́кмо Ма́тери Твое́й, но и пречи́стому  
Ея́ ли́ку, на дске́ изображе́нному, си́лу чудотворéния  
дарова́л еси́, Го́споди; сему́ та́инству дивя́щися, во  
умилéнии се́рдца вопи́ем к Не́й тако́вая:

Ра́дуйся, премúдрости и бла́гости Бо́жия откρο-  
вéние; ра́дуйся, ве́ры утвержде́ние.

Ра́дуйся, благода́ти явлéние; ра́дуйся, душепо-  
лэ́зных знáний дарова́ние.

Ра́дуйся, душевредных учéний низложéние;  
ра́дуйся, беззакóнных на́выков нетру́дное  
преодоле́ние.

Ра́дуйся, сло́во премúдрости прося́щим да́рую-  
щая; ра́дуйся, несмы́сленныя разу́мныя соде́ло-  
вающая.

Ра́дуйся, дете́м, неудо́бь уча́щимся, разу́м пода-  
ю́щая; ра́дуйся, ю́ности благáя Охранíteльнице  
и Настáвнице.

**Ра́дуйся, неча́янную ра́дость ве́рным да́рующая.**





## Кондак 8.

Странный и ужасный видение бысть некоему человеку беззаконну, показуя ему благодать Господню, предстательством Богоматере грехи его прощающую; сего ради оттоле, исправль своё житие, поживе богоугодне. Сиче и мы, славная дела и многоразличную премудрость Божию в мире и жизни нашей видяще, устранимся земныя суеты и излишних житейских попечений и ум и сердце наше на небеса возведем, поюще Богу: **Аллилуия.**

## Икос 8.

Вся в вышних пребываючи, и нижних никакоже отступила еси, Премилосердая Царице небес и земли; аще бо по успении Твоем и возшла на небеса с пречистою Твоею плотию, обаче и грешныя земли не оставила еси, являющиеся Причастница Промысления Сына Твоего о роде христианством. Сего ради Тя по долгу ублажаем:

Радуйся, сиянием пречистыя души Твоея всю землю просветившая; радуйся, чистотою телесе Твоего вся небеса возвеселившая.

Радуйся, Промысления Сына Твоего о роде христианством святая Служительнице; радуйся, о всем мире усердная Предстательнице.





Ра́дуйся, всех нас при Кресте́ Сы́на Твоего́ усыновившая; ра́дуйся, всегда́ ма́тернюю любóвь к нам явля́ющая.

Ра́дуйся, всех даро́в, духо́вных и телесных, незави́стная Подáтельница; ра́дуйся, благ вре́менных Ходáтаице.

Ра́дуйся, двéри Ца́рствия Христо́ва ве́рным отверза́ющая; ра́дуйся, и на земли́ чи́стаго весéлия сердца́ их исполня́ющая.

**Ра́дуйся, неча́янную ра́дость ве́рным да́рующая.**

### Кондак 9.

Всякое естество́ а́нгельское удиви́ся делу́ Твоего́ милосе́рдия, Го́споди, я́ко дарова́л еси́ толи́ко твёрдую и тёплую Засту́пницу и Помо́щницу ро́ду христиа́нскому, нам невидимо спребыва́юще, слы́шащу же Тебе́ пою́щих: Аллилу́ия.

### Икос 9.

Ветия́ многовещáнная, но не богопросвещённая суесло́вят, я́ко поклонёние свято́му образу́ а́ки бы поклонёние и́долу ёсть; не разумёют бо, я́ко честь, свято́му образу́ воздава́емая, на Первообра́зная восхо́дит. Мы же не то́кмо сия́ до́бре ве́дуще, но и от ве́рных человек о мно́гих чудотворёниях от ли́ка Богома́тере слы́шаще, и са́ми поклонением





ему́ потрібная ко в́ременной и в́ечной ж́изни при-  
ёмлюще, с весёлием Богорóдице взыва́ем:

Ра́дуйся, я́ко от священнаго ли́ка Твоего́ чудеса́  
де́ются; ра́дуйся, я́ко утайся премудро́сть и бла-  
годать сия́ от му́дрых и разу́мных ве́ка сегó.

Ра́дуйся, я́ко открь́ся та младёнцем в ве́ре;  
ра́дуйся, я́ко прославля́ющих Тя прославля́еши.

Ра́дуйся, я́ко отверга́ющих Тя пред все́ми по-  
срамля́еши; ра́дуйся, я́ко от потопле́ния, огня́  
и мечá, от смертоно́сныя я́звы и от всякаго зла  
прибега́ющих к Тебе́ избавля́еши.

Ра́дуйся, я́ко вся болéзни челове́честии, душе́в-  
ныя и телéсныя, м́лостивно врачу́еши; ра́дуй-  
ся, я́ко пра́ведный гнев Бо́жий на нас Твои́м мо-  
ле́нием ско́ро утоля́еши.

Ра́дуйся, я́ко Ты еси́ т́хое пристáнище от бурь  
пла́вающим по мо́рю житёйскому; ра́дуйся, я́ко  
и по конце́ житёйскаго пла́вания на́шего на-  
дёжно привóдиши нас в необурева́емую страну́  
Ца́рствия Христо́ва.

**Ра́дуйся, неча́янную ра́дость ве́рным да́рующая.**

### **Кондак 10.**

Спасти́ хотя́щи челове́ка не́коего беззако́нна  
от заблужде́ния ж́изненнаго пут́и егó, д́вное  
видéние от пречестны́я ико́ны Твоея́ показáла





еси́ е́му, Преблагословенная, да, ч́удо ви́дя, пока́ется и, из глубины́ греховны́я милосе́рдным промы́слением Твои́м воздв́игнутый, вопи́ет Бо́гу: Аллилу́ия.

## Икос 10.

Стена́ еси́ де́вам, Богоро́дице Де́во, и всем к Тебе́ притека́ющим, и́бо небесе́ и земли́ Творе́ц, всели́выйся во утробу́ Твою́ и от Тебе́ роди́выйся, яви́ Тя, Присноде́ву, стра́жа де́вства, чистоты́ и целому́дрия и сосу́д вся́кия добродете́ли, и все́х возглаша́ти Тебе́ научи́:

Ра́дуйся, сто́лпе и огражде́ние де́вства; ра́дуйся, чистоты́ и целому́дрия незри́мая Охраните́льнице.

Ра́дуйся, до́брая де́вам Наста́внице; ра́дуйся, невест́а благая́ Укра́сительнице и Споручи́це.

Ра́дуйся, всежелáнное соверше́ние благих́ супру́жеств; ра́дуйся, ма́терей деторо́дящих ско́рое разреше́ние.

Ра́дуйся, младе́нцев воспита́ние и благода́тное охране́ние; ра́дуйся, безча́дных роди́телей пло́дами ве́ры и Ду́ха весе́лящая.

Ра́дуйся, ма́терей скорбя́щих утеше́ние; ра́дуйся, та́йное весе́лие чи́стых дев и вдови́ц.

**Ра́дуйся, неча́янную ра́дость ве́рным да́рующая.**





## Кондак 11.

Пѣние всеумилѣнное приносяще Ти, недостой-  
нии, прѣсѣм Тебѣ, Дѣво Богородице: не прѣзри  
гласа рабовъ Твоихъ; к Тебѣ бо в напастехъ и скорбехъ  
прибегаемъ и предъ Тобою в бѣдахъ нашихъ слѣзы про-  
ливаемъ, поюще: **Аллилу́ия.**

## Икос 11.

Светоподательную свещу, сущимъ во тьмѣ грѣха  
и юдоли плача явившуюся, зримъ Святую Дѣву; ду-  
ховный бо огонь молитвъ Своихъ, наставленія и уте-  
шенія возжигаящи, приводитъ к Свету невечерне-  
му всехъ, воззваніи почитающихъ Ю сими:

Радуйся, луче от Солнца правды – Христа Бога  
нашего; радуйся, нечистую совесть просве-  
щающая.

Радуйся, тайная и неудобь предвиденная вся  
добра ведущая и имже подобаетъ сказующая;  
радуйся, лживыхъ провидцевъ и суетная гаданія  
посрамляющая.

Радуйся, в часъ недоуменийъ мысль блугу на  
сердце полагающая; радуйся, в постѣ, молитвѣ  
и богомыслии пребывающимъ присно спребы-  
вающая.

Радуйся, верныхъ пастырей Церкви ободряю-  
щая и вразумляющая; радуйся, богобоязнен-







ных иноков и инокинь прѣсное утешѣние.

Радуйся, кающихся пред Богом грешников непостыдная Заступнице; радуйся, всех христиан теплая Ходатаице.

**Радуйся, нечаянную радость верным дарующая.**

### **Кондак 12.**

Благодать божественную испроси нам у Сына Твоего и Бога, прости нам руку помощи, отжени от нас всякаго врага и супостата, умири нашу жизнь, да не погибнем люте, без покаяния, но прими нас в вечныя кровы, Богородительнице, да радующеся поем Богу, Тобою нас спасающему: **Аллилуя.**

### **Икос 12.**

Поюще неизреченное матернее Твое милосердие к человеку беззаконну, восхваляем Тя вси, яко твердую Предстательницу за нас, грешных, и поклоняемся Тебе, о нас молящейся; веруем бо и уповаем, яко испросиши у Сына Твоего и Бога благая временная и вечная всем, с любовью вопиющим Ти сице:

Радуйся, всех наветов и искушений, от мира, плоти и диавола находящих, поправление; радуйся, нечаемое примирение ожесточенно враждующих.





Ра́дуйся, недовéдомое исправлénие нераска́янных грéшников; ра́дуйся, изнемога́ющих от уны́ния и печа́ли ско́рая Уте́шительнице.

Ра́дуйся, благода́тию смире́ния и терпе́ния нас снабдева́ющая; ра́дуйся, клятвопреступлénий и непра́ведных стяжа́ний всенаро́дное обличе́ние.

Ра́дуйся, от дома́шняя бра́ни и вражда́ единокро́вныя ми́ром и любóвию огражда́ющая; ра́дуйся, от па́губных начинáний и несмы́сленных пожела́ний нас незримо отвраща́ющая.

Ра́дуйся, во благо́х намерéниях на́ших присная Споспéшнице; ра́дуйся, в час кончи́ны всем нам Помо́щнице.

**Ра́дуйся, неча́янную ра́дость ве́рным да́рующая.**

### Кондак 13.

О Всепéтая Ма́ти, невместима́го Бо́га во чре́ве вместившая и Ра́дость всему́ миру роди́вшая! Ны́нешнее приими́ пéние, вся на́ша печа́ли на ра́дость преложí и от вся́кия изба́ви напáсти всех и б́дущия изми́ му́ки, о Тебе́ вопию́щих: **Аллилу́ия.**

*Этот кондак читается трижды.*

### Икос 1.

А́нгели и пра́ведных ду́ши удиви́шася, егда́ предста́ла еси́ пред Сы́ном Твои́м и Бо́гом и мно́гим мо-





лѣнием ходатайствовала еси о челове́це, прѣсно во гресѣх пребыва́ющем; мы же, очѣма вѣры толикое Твое́ благоутрѣбие зряще, со умилѣнием взываем Ти си́це:

Ра́дуйся, моли́твы всех христиа́н приѣмлющая; ра́дуйся, и са́мых отча́нных грѣшников молѣния не отверга́ющая.

Ра́дуйся, к Сы́ну Твоему́ о них предста́тельству-ющая; ра́дуйся, неча́нную ра́дость спасѣния им пода́ющая.

Ра́дуйся, предста́тельством Твои́м весь мир спа-са́ющая; ра́дуйся, вся на́ша печа́ли утоля́ющая.

Ра́дуйся, Ма́ти всех Бо́га, озло́бленных ду́ши утеша́ющая; ра́дуйся, жити́е на́ше до́бре устро-я́ющая.

Ра́дуйся, избавлѣние от грехо́в всем челове́ком принѣсшая; ра́дуйся, Ра́дость всему́ ми́ру родѣ́вшая.

**Ра́дуйся, неча́нную ра́дость вѣрным да́рующая.**

## Кондак 1.

Избра́нной от всех родо́в Бо́жией Ма́тери и Ца-ри́це, явѣвшейся иногда́ к челове́ку беззаконну, во́еже отврати́ти его́ от путѣ́ нечѣстия, благодарствен-ное пѣние прино́сим Ти, Богороди́тельнице; Ты же,





яко имущая милосердие неизреченное, от всяких нас бед и грехов свободи, да зовем Ти:

**Радуйся, нечаянную радость верным дарующая.**

## **МОЛИТВА.**

О Пресвятая Дево, Всеблагая Сына Мати Всеблагая, града и святого храма сего Покровительнице, всех сущих во гресех, скорбех, бедах и болезнях верная Предстательнице и Заступнице! Приими молебное пение сие от нас, недостойных раб Твоих (имя), Тебе возносимое, и якоже древле грешника, на всяк день многажды пред честною иконою Твоею молившагося, не презрела еси, но даровала еси ему нечаянную радость покаяния и преклонила еси Сына Твоего многим и усердным к Немю ходатайством к прощению сего грешного и заблуждшагося, тако и ныне не презри моления нас, недостойных рабов Твоих, и умоли Сына Твоего и Бога нашего, да и всем нам, с верою и умилением поклоняющимся пред цельбоносным образом Твоим, дарует нечаянную по коегждо потребе радость: грешником, погрязшим во глубине зол и страстей – вседейственное вразумление, покаяние и спасение; сущим в скорбех и печалех – утешение; обретающимся в бедах и озлоблениях – совершенное сих избытие; малодушным и ненадежным – на-





дѣжду и терпѣние; в радости и изобилии живущим – непрестанное Благодаренію Бѣгу благодареніе; бѣдствующим – милосердіе; сущим в болѣзни и долгонедужии и оставленным врачами – нечаемое исцеленіе и укрепленіе; иждившим от недуга ум – ума возвращеніе и обновленіе; отходящим в вѣчную и нескончаемую жизнь – память смертную, умиленіе и сокрушеніе о гресѣх, дух бѣдр и твѣрдую на милосердіе Судий надежду. О Госпожѣ Пресвятая! Умилосердися о всех чтущих всечестное имя Твое и всем яви всемоушный покров Твой и заступленіе: во благочестии, чистотѣ и честномъ жителствѣ пребывающія до скончанія их во благасти соблюди; злыя блага сотвори; заблудшія на путь правый настави; всякому дѣлу благому и Сыну Твоему угодному споспешествуй; всякое дѣло злое и богопротивное разруши; в недоумѣнии и трудных и опасныхъ обстояніихъ обретающимся незримую помощь и вразумленіе с небесъ ниспосли, от искушеній, соблазновъ и погібели спаси, от всехъ злыхъ человекъ и от враговъ видимыхъ и невидимыхъ защити и сохрани; плавающимъ сплывай; путешествующимъ спутешествуй; сущимъ в нуждѣ и глѣдѣ буди Питательница; неимущимъ крова и пристанища буди покровъ и прибежище; нагимъ подаждь одеяніе; обидимымъ и неправедно гонимымъ





– заступлѣние; клевету́, поношѣние и хулѣние терпѣюща незы́мо оправда́й; клеветникѣи и хулитѣли предъ всѣми обличѣй; ожесточѣнно враждующимъ нечаемое подаждь примирѣние и всемъ намъ – другъ ко другу любовь, мир и благочѣстие и здравіе с долгодѣнствомъ. Супружества въ любви и единомыслии сохрани; супруги, во враждѣ и разделѣнии сущія, умири, соедини другъ ко другу и положи имъ союзъ любви неразрушимый; матеремъ деторождающимъ скорое подаждь разрешѣние; младенцы воспита́й; юныя целомудри, отвѣрзи имъ умъ къ воспріятію всякаго полезнаго ученія, страху Божію, воздержанію и трудолюбію наста́ви; от домашня бранни и вражды единокровныя миромъ и любовью огради; безматернихъ сиротъ буди Матерь, от всякаго порока и скверны отврати́ я и всему́ благому и богоугодному научи, прельщенныя же и во грѣхъ и нечистоту́ впавшія, скверну грѣха отъявши, избѣдны погібѣли изведи; вдовъ буди Утѣшительница и Помощница, старости буди жѣзл; от внезапныя смѣрти без покаянія всехъ насъ избави и всемъ намъ христіанскую кончину́ живота́ нашего, безболѣзненну, непосты́дну, мирну и добрый отвѣтъ на Страшномъ Судищи Христовѣ да́руй; преставльшійся въ вѣрѣ и покаяніи от житія сего́ со Ангелы и всѣми святы́ми жити сотвори; скончавшимся





внезапною смертию милостива быти Сына Твоего умоли; и о всех усопших, иже не имеют сродников, о упокоении их Сына Твоего умоляющих, Сама буди непрестанная и теплая Молитвенница и Ходатаица, да вси на небеси и на земли ведят Тя, яко твердую и непостыдную Предстательницу рода христианскаго, и, ведуще, славят Тя и Тобою Сына Твоего, со Безначальным Его Отцем и Единосущным Его Духом, ныне и присно и во веки веков. Аминь.

## **ВЕЛИЧАНИЕ.**

Величаем Тя,/ Пресвятая Дево,/ Богоизбранная Отроковице,/ и чтим образ Твой святой,/ иже точиши исцеления// всем с верою притекающим.





**ПРЕСВЯТАЯ БОГОРОДИЦА,  
СПАСИ НАС!**

